

## Evening Dogri News Bulletin,

26 January 2025 18:15 Hrs

### Headlines

- राष्ट्र अज्ज 76मां गणतंत्र दिवस मना करदा ऐ। राष्ट्रपति द्रौपदी मुर्मू होरें राष्ट्र दी अगुवाई करदे होई कर्तव्य पथ पर परेड दी सलामी लैती।
- उपराज्यपाल मनोज सिन्हा होरें एम.ए स्टेडियम च लग्गे दे गणतंत्र दिवस समारोह च राष्ट्री ध्वज गी फहराया। उनें गलाया जे नौजवानें दे सुखने गी फुट्ट पोआने आहिलयें ताकतें पासेआ ठेह नेई पुजान, यकीनी बनाने लेई सब्बनं गी जिम्मेदारी कन्नै कम्म करना लोडचदा।
- देसै दे होरनं हिस्सें आंगर जम्मू-कश्मीर च बी देश भक्ति दे जज्वे कन्नै 76मां गणतंत्र दिवस मनाया गेआ।
- उपमुख्यमंत्री सुरेंद्र चौधरी होरें श्रीनगर दे बख्शी स्टेडियम च लग्गे दे मुख्य समारोह च तिरंगा फहराया ते कार्यक्रम दी प्रधानता कीती।

<><><><><><>

### RD-National

अज्ज समूलचा देश 76मां गणतंत्र दिवस मना करदा ऐ। राष्ट्रपति द्रौपदी मुर्मू होरें नमीं दिल्ली च कर्तव्य पथ थमां गणतंत्र दिवस मनाने च राष्ट्र दी नुमायंदगी कीती। समारोह दी शुरूआत प्रधानमंत्री नरेंद्र मोदी हुंदे राष्ट्री युद्ध स्मारक पर जाने कन्नै होई जित्थे उनें

पुष्पांजलि अर्पित करियै शहीदें गी श्रद्धांजलि दित्ती। राष्ट्रपति द्रौपदी मुर्मू होर इन्डोनेशिया दे राष्ट्रपति प्राबोवो सुबियांटो जेड़े जे परेड च मुख परौहने जे, हुंदे कन्नै औपचारिक बग्गी च कर्तव्य पथ पुजियां। राश्ट्री ध्वज फहराने मगरा राश्ट्री ध्वज फहराने मगरा राश्ट्रगान ते 105 एम.एम लाइट फील्ड जी.एम दा इस्तेमाल करदे होई 21 तोपें दी सलामी दित्ती गेई। परेड दी शुरूआत 300 सांस्कृतिक कलाकारें देसै दे बक्ख-बक्ख हिस्सें दे संगीत यंत्रें कन्नै सारे जहां से अच्छा बजाइयै कीती। ध्वज फार्मेशन च 129 हेलीकाप्टर यूनिट थमां MI-17-iv हेलीकाप्टरें आसेआ फुल्लें दी बरखा कीती गेई। टैंक टी-90 भीष्म नाग मिसाइल प्रणाली कन्नै कर्तव्य पथ पर BMP-2 सरथ ब्रम्होस, पिनाका मल्टी लांचर राकेट सिस्टम, अग्निबाण मल्टी बैरल राकेट लांचर, आकाश हथियार प्रणाली, All Terrain Vehicles ते हल्कियां टकोहदी गड्डियां बजरंग दा कार्यक्रम च प्रदर्शन कीता गेआ।

<><><><><><>

## RD-Tableaux

इंडोनेशिया दे 160 मिम्बरी मार्च पास्ट टुकड़ी ते 190 मिम्बरी बैंड दल नै बी परेड च हिस्सा लैता। बक्ख-बक्ख राज्यें, केंद्र शासित प्रदेशों ते केंद्र सरकार दे मंत्रालयें ते मैहकमें दियें 31 झांकियें गी परेड च शामिल कीते गेदा हा, जिंदे च वर्णिम भारत विरासत ते विकास सिरलेख गी दस्सेआ गेआ हा। ऐतकी पैहली बारी त्रौनें सेनाएं दी झांकी नै कर्तव्य पथ पर हिस्सा लैता जेदे च इक्कजुटता दी भावना दस्सी गेदी ही। हरियाणा दी झांकी च भगवद् गीता ते उत्तर प्रदेश दी झांकी च चला करदे महाकुम्भ 2025 गी दस्सेआ गेआ। कार्यक्रम दी समाप्ति 47 ज्हाजें पासेआ फलाई पास्ट कन्नै होआ। इस फलाई पास्ट च राफेल, एस.यू 30, जगुआर, सी-130, डोर्नियर-228 ते ए.एन-32 ज्हाजें कन्नै अपाचे ते एम9-19 हेलीकाप्टरें आसेआ इक शानदार एयर शो

कन्नै होई। राष्ट्र ते समाज निर्माण च उन्दे जोगदान लेई सम्मानित करने आस्तै बक्ख-बक्ख खेत्तरे थमां सद्दे गेदे टकोहदे परौहने बी इस कार्यक्रम च शामिल होए। ग्राएं ते सरपंच, शिल्पकार, दस्तकार, स्वयं सहायता समूह, आशा ते आंगनवाड़ी कार्यकर्ता शङ्क निर्माण मजदूरें सने 34 वर्गे च 10 ज्हार इस चाल्ली दे लोक टकोहदे परौहने दे तौरा पर सद्दे गेदे हे।

<><><><><><>

## RD Jammu

जम्मू संभाग च बी सख्त सुरक्षा बंदोबस्तें हेठ ते समाज दे सब्बै वर्गे दी हिस्सेदारी कन्नै 76मां गणतंत्र दिवस देशभक्ति दे जज्वे कन्नै लवरेज होइयै जोशे-खरोश कन्नै मनाया गेआ। आकाशवाणी दे जम्मू संवाददाता नै दस्सेआ जे राष्ट्री भावना ते जज्वे कन्नै भरोचे दे विद्यार्थियें ते नौजोआनें जम्मू खित्ते दे सब्बनें 10 जिलें च जिला, तहसील ते ब्लॉक सतह पर लग्गे दे कार्यक्रमें च बदी चढियै हिस्सा लैता। समारोहें च स्कूली बच्चे ते लोक कलाकारें शानदार प्रस्तुतिएं रायं सांस्कृतिक बन सबन्नता दा बेजोड़ नजारा पेश कीता। यू.टी सतह दा मुख्ब समारोह जम्मू दे मौलाना आआद स्टेडियम च लग्गा जित्थें उपराज्यपाल मनोज सिन्हा होरें समारोह दी प्रधानता कीती। एल.जी होरें राष्ट्री ध्वज फहराया ते शानदार मार्च पास्ट दी सलामी लैती। इस मौके पर प्रदेश दे मुख्बमंत्री उमर अब्दुल्ला होरें बतौर मुख्ब परौहने कार्यक्रम च शिरकत कीती। अपने संबोधन च उपराज्यपाल मनोज सिन्हा होरें आखेआ।

.....बाईट.....

<><><><><><>

## RD Reasi

जिला रियासी च जनरल जोरावर सिंह खेड स्टेडियम च 76मां गणतंत्र दिवस बड़ी उत्साह ते जोश कन्नै मनाया गेआ। जिला विकास कौंसल दे अध्यक्ष सराफ सिंह नाग होरें तिरंगा झंडा चाढ़ेआ ते परेड दी सलामी लैती। इस मौके पर उनें किटठ गी संबोधित बी कीता। उनें आखेआ।

<><><><><><>

## RD-Samba

साम्बा जिले च बी 76मां गणतंत्र दिवस जोश जज्वे कन्नै मनाया गेआ। मुख्य समारोह रानी सुचेत सिंह स्पोर्ट्स स्टेडियम अराजी साम्बा च लगा जित्थे साम्बा जिला विकास परिषद दे अध्यक्ष केशव दत्त शर्मा होरें झंडा फहराने दी रस्म निभाई ते परेड दा निरीक्षण कीता। इस मौके पर जेकेपी, आई.आर.पी, आई.टी.बी.पी, साबका फौजी, एनसीसी, एनएसएस दे अलावा जिले दे बक्ख-बक्ख स्कूलें दे बच्चें मार्च पास्ट च हिस्सा लैता ते तिरंगे गी सलाम दिती। डीडीसी चेयरसमैन केशव दत्त शर्मा होरें अपने संबोधन च गलाया।

<><><><><><>

## RD-Udhampur

76मां गणतंत्र ध्याड़ा उधमपुर जिले च बी देशभक्ति दे जोश कन्नै मनाया गेआ। जल शक्ति, जंगलात ते पर्यावरण सरबंधी मैहकमे दे मंत्री जावेद अहमद राणा होर जिला स्तर पर लग्गे दे प्रोग्राम च मुख्य परौहने दे तौर पर शामिल होए। उनें राश्ट्रीय झंडा फहराया ते परेड दी सलामी लैती। एह प्रोग्राम जागतें दे डिग्री कालेज दे मैदान च आयोजित होआ। लोकें गी ममारखां दिंदे होई जावेद अहम राणा होरें आखेआ।

<><><><><><>

## RD Kathua

कठुआ दे खेड स्टेडियम च 76मां गणतंत्र दिवस देशभक्ति दे जज्बे कन्नै मनाया गेआ। खुराक, सिविल सप्लाई ते उपभोक्ता मामलें ते ट्रांसपोर्ट मंत्री सतीश शर्मा होरें इस मौके पर राष्ट्रीय झंडा फहराया। मंत्री होरें पुलिस, नीम फौजी बलें, जंगल दी हिफाजत करने आहले बलें ते स्कूली विद्यार्थिं आसेआ कीते गेदे मार्च पास्ट दी सलामी लैती। किट्टु गी संबोधित करदे होई मंत्री होरें आखेआ।

<><><><><><>

ते हुन बाकि दिएं खबरें कन्नै पंकज कोहली।

## Republic Day Srinagar

कश्मीर घाटी च श्रीनगर च लग्गे दा मुख् प्रोग्राम ते होर सब्बै गणतंत्र ध्याड़े दे प्रोग्राम, अमन शांति ते रमानदारी कन्नै सम्पन्न होई गे। समूलचे कश्मीर च सुरक्षा दे निगर इंतजाम कीते गेदे हे। उपमुख्यमंत्री सुरेंद्र चौधरी होरें श्रीनगर दे बक्शी स्टेडियम च लग्गे दे मुख् समारोह च तिरंगा झंडा चाढ़ेआ ते प्रोग्राम दी अध्यक्षता कीती। उनें जम्मू-कश्मीर पुलिस, सीआरपीएफ, बीएसएफ, आईटीबीपी, एसएसबी, एनसीसी दे कडटें ते स्कूली बच्चें दे दस्तें दी सलामी लैती। इस मौके पर सांस्कृतिक प्रोग्राम बी पेश कीते गे। अपने भाषण च उपमुख्यमंत्री होरें आखेआ जे जम्मू-कश्मीर भारत दा मुकुट ऐ ते एह प्रगति ते विकास दी बत्ता अगड़ा बदा करदा ऐ। उनें आखेआ जे मुख्यमंत्री उमर अब्दुल्ला हुंदी अगुवाई आहली सरकार इस यात्रा गी जोश ते उत्साह कन्नै अग्गे लेइयै जाग। एहदे कोला पैहले सुरेंद्र चौधरी होर लाल चौक इलाके दे प्रताप पार्क च बलिदान स्तम्भ गे जित्थे उनें पुलिस ते होरनें सुरक्षा बलें दे शहीदें गी श्रद्धांजलि भेंट कीती।

<><><><><><>

RD Ramban

रामबन जिले दी जिला पुलिस लाइन च निगगर सुरक्षा बवस्था च 76मां गणतंत्र ध्याड़ा मनाया गेआ। जिला विकास कौंसल दियां अध्यक्ष डॉ. शमशाद शाह होर मुख परौहने दे तौर पर शामिल होइयां। बड़ी मती ठंड दे बावजूद बी पुलिस, सीआरपीएफ, एनसीसी ते स्कूली बच्चें दे दस्ते मार्च पास्ट कीता। अपने भाषण च डीडीसी दिएं अध्यक्ष होरें आखेआ जे।

<><><><><><>

#### RD-Kishtwar

किश्तवाड़ जिले च बी गणतंत्र दिवस उत्साह, उमंग ते राश्ट्री भावना कन्नै मनाया गेआ। ब्लॉक सतह पर सरबन्धत एसडीएम होरें झंडा चाढ़ेआ। तोआई, जिला मुख्यालय चौगान मैदान किश्तवाड़ च आयोजित मुख समारोह च जिला विकास परिषद किश्तवाड़ दियां प्रधान श्रीमति पूजा ठाकुर होर मुख परौहनियां हियां जिनें तिरंगा फहराया, परेड दा निरीक्षण कीता ते पुलिस, आई.आर.पी, सी.आर.पी.एफ, सी.आई.एस.एफ, फारेस्ट प्रोटेक्शन फोर्स, होम गाड, जीडीसी किश्तवाड़ दी एनसीसी बटालियन, एन.आर.एल.एम दी महिला एस.एच.जी ते स्कूली बच्चें दी टुकड़ियें दी सलामी लैती। अपने संबोधन च उनें आखेआ।

<><><><><><>

#### RD-Doda

76मां गणतंत्र ध्याड़ा डोडा जिले च बी देशभक्ति ते पारम्परिक उत्साह कन्नै मनाया गेआ। जिला विकास कौंसल दे अध्यक्ष धनन्तर सिंह कोतवाल होरें जिला खेड स्टेडियम च लगे दे मुख प्रोग्राम च राश्ट्रीय झंडा चाढ़ेआ। अपने भाषण च उनें लोकें गी ममारखां दित्तियां ते स्वतंत्रता सैनानियें गी श्रद्धांजलि भेंट कीती। उनें आखेआ।

<><><><><><>

## RD-Poonch

76मां गणतंत्र दिवस अज्ज समूलचे मुल्ये आहला लेखा पुंछ जिले च बी चायं-चायं ते राश्ट्रीय भावना कन्नै मनाया गेआ। मुख्ख समारोह दा सरिस्ता स्पोर्ट्स स्टेडियम पुंछ च कीते गेदा हा जित्थे मुख्ख परौहने डीडीसी अध्यक्ष ताजीम अख्तर होरें राश्ट्रीय ध्वज फहराया ते सलामी लैती। मार्च पास्ट च जेकेएपी, जम्मू-कश्मीर एग्जीक्यूटिव पुलिस ते स्कूली छात्रें दियें टुकड़िद्ययें हिस्सा लैता। अपने संबोधन च ताजमी अख्तर होरें पुंछ दी जनता गी बधाई दिंदे होई आखेआ।

<><><><><><>

## RD-Rajouri

राजौरी जिले च बी 76मां गणतंत्र ध्याडा जोश ते राश्ट्रभक्ति दी भावना कन्नै मनाया गेआ। मुख्ख प्रोग्राम जिला पुलिस लाइन दे मैदान च आयोजित होआ जित्थे जिला विकास कौंसल दे अध्यक्ष चौधरी नसीम लियाकत होरें राश्ट्रीय झंडा चाढेआ ते परेड दी सलामी लैती। इस मौके पर उनें आखेआ।

<><><><><><>

## At Home

उपमुख्खमंत्री सुरिंद्र चौधरी होरें 76में गणतंत्र दिवस दे मौके पर एस.के.आई.सी.सी च एट होम दी मेजबानी कीती। इस मौके पर उपमुख्खमंत्री होरें डीडीसी मिम्बरें, मन्ने-परमन्ने दे लोकें, बपारियें, मीडिया कर्मियें, साबका फौजियें ते टकोहदी उपलब्धि हासल करने आहले लोकें कन्नै गल्लकत्थ कीती। कार्यक्रम च साबका मुख्खमंत्री ते नेशनल कांफ्रेंस दे सरपरस्त डॉ. फारूक

अब्दुल्ला, मुखमंत्री हुंदे सलाहकार नासिर असलम वानी ते होरें नेकें लीडरें शिरकत कीती। एट  
होम च सिविल प्रशासन ते पुलिस दे आला अफसर बी मौजूद हे।

<><><><><><>